

玉海

辭學指南

二十三

玉海卷第四十七

浚儀王應麟伯厚甫

藝文

雜史

古者史官其書有法大事書之策小事簡牘至於風俗之舊耆老所傳遺言逸迹史不及書則傳記之說或有取焉然自六經之文諸家異學說或不同况乎幽人處士聞見各異或詳一時之所得或發史官之所諱參求考質可以備多聞焉

漢志

玉海卷四十一

前歷志

見三統歷

漢洞曆 吳洞紀

論衡會稽周長生文士之雄也作洞曆十卷上自黃帝下至漢朝鋒芒毛髮之事莫不紀載與太史公表紀相似類也上通下達故曰洞曆長生非徒文人所謂鴻儒也起奇篇

吳志韋昭傳世間有古歷注其所紀載既多虛無在書籍者亦復錯謬因尋按傳記

考合異同采撫耳目所及以作洞紀起自庖犧至於

秦漢凡為三卷

當起黃武以來別作一卷事尚未成

唐志韋昭洞紀

四卷周植洞曆記九卷

莊子音義引洞紀

雜史吳曆六卷

隋志韋昭洞紀記包羲以來至漢建安二十七年滅
榮緒續一卷 南史庾詵撰帝歷二十卷

漢劉向戰國策

漢志春秋家戰國策三十三篇記春秋後 隋志雜

史三十四卷劉向錄二十一卷高誘注漢初得之蓋

戰國游士記其策謀 唐志三十二卷高誘注延篤

論一卷 司馬遷傳采戰國策史記所采之事九十三 索隱

高誘云六國時縱橫之說也一曰短長書亦曰國事

劉向撰為三十三篇名曰戰國策非遷時已名 劉

向校書錄叙所校中戰國策書莒又有國別者八篇

三十九七 玉海卷四十一

臣向因國別者畧以時次之分別不以序者以相補

除復重得三十三篇中書本號或曰國策或曰國事

或曰短長或曰事語或曰長書或曰脩書 蜀志李

權從秦必借戰國策必曰戰國反覆儀秦之術殺人

自生亡人自存經之所疾 史通其篇有東西二周

秦齊燕楚三晉宋衛中山合十二國東西周各一秦

各四韓燕各三 宋朝曾鞏重校序錄曰劉向定二

十三篇崇文總目稱十一篇者闕臣訪之士大夫家

始得其書正其誤謬而疑其不可考者然後三十三

篇復完叙曰法者所以適變也不必盡同道者所以

立本也。不可不一。此理之不可易者。故孔孟守此戰國之游士。不知道之可信。而樂於說之易合。故論詐之便。而諱其敗言。戰之善而蔽其患。其相率而為之者。莫不有利焉。而不勝其害也。有得焉。而不勝其失也。

漢應奉漢事 漢書後序 荀爽漢語

應奉傳著漢書後序多所述載注袁山松書曰奉又刪史記漢書及漢記三百六十餘年自漢興至其時凡十七卷名曰漢事子劭著中漢輯序 隋志儒家梁有後序十二卷後漢司隸校尉應奉撰雜家梁有

王汝英第

洞序九卷錄一卷應奉撰 荀爽傳集漢事成敗可

為鑒戒者謂之漢語 史記文紀注晉灼引漢語素

隱曰書名荀爽所作 舊唐志後漢雜事十卷 雜史

帝王要畧

隋志雜史十二卷環濟撰 紀帝王地理 帝王世錄一卷

甄鸞撰帝王諸侯世畧十一卷帝王本紀十卷來奧

撰十五代畧十卷吉文甫撰 起晉 後漢以來學者

多鈔撮舊史自為一書或起自人皇或斷之近代亦

各其志而體制不經 唐志賈匪之漢魏晉帝要紀

三卷

魏晉世評

隋志雜史十卷晉郭頒撰

魏志注引代之說

三國總畧

宋元嘉十四年河西獻周生子十三卷時務論十二卷三國總畧一十卷俗問十一卷十三州志十卷四科傳四卷漢皇德傳二十五卷魏駭九卷古今字二卷至孔子讚一卷合一百五十四卷劉延明以三史文繁著略記百三十篇八十四卷

梁通史

唐志梁武帝通史六百二卷

隋志四百八十卷起

三皇訖梁

史通梁武敕其羣臣上自太初下終齊

室為通史六百二十卷其書自秦以上皆以史記為本而別採他說以廣異聞至兩漢以還則合錄當時紀傳而上下通達臭味相依又吳蜀一主皆入世家五胡及拓跋氏列於夷狄傳大抵其體皆如史記其異者惟無表而已 吳均傳武帝召均使撰通史起三皇迄齊代均草本紀世家已畢唯列傳未就 顧野王撰通史要畧百卷

左史

隋志雜史左史六卷李樑撰

晉書鴻烈

隋志雜史六卷張氏撰

唐十三類史錄

藝文志乙部史錄其類十三一曰正史類二曰編年類三曰偽史類四曰雜史類五曰起居注類六曰故事類七曰職官類八曰雜傳記類九曰儀注類十曰刑法類十一曰目錄類十二曰譜牒類十三曰地理類凡著錄五百七十一家八百五十七部一萬六千八百七十四卷不著錄三百五十八家一萬二千三百二十七卷正史類史記至隋書七十家九十部四百

三五五卷四一

千八十五卷有集史五家摠七十三家六十九部編

年類紀年至隋後略四十一家四十八部九百四十

七卷偽史類華陽國志至三十國春秋一十七家二

十七部五百四十二卷雜史類古文瑣語至三國典

略八十八家一百七部一千八百二十八卷起居注

類穆天子傳至唐創業起居注六家三十八部一千

二百七十二卷有實錄二十八部詔令十一部總七

家七十七部故事類秦漢舊事至南宮故事十七家

四十三部四百九十六卷職官類漢官解詁至官鄉

舊事十九家二十六部二百六十二卷雜傳記類三

輔決錄至詞林文人傳一百二十五家一百四十六部一千六百五十六卷有女訓十七家總一百四十七家一百五十一部儀注類漢書儀至大唐書儀六十一家一百部一千四百六十七卷刑法類漢建武律令至開元格後勅二十八家六十一部一千四卷目錄類劉向七略別錄至羣書四錄十九家二十二部四百六卷譜牒類出本至著姓略記十七家三十九部一千六百一十七卷地理類三輔黃圖至劔南地圖六十三家一百六部一千二百九十二卷六典祕書部乙部為史其類一十有三一曰正史以

五流傳卷四十一

紀紀傳表志史記等六十七部三千八十三卷二曰

古史經編年繫事通年等四十四部六百六十六卷

三曰雜史以紀異體雜記周書等七十部九百十七

卷四曰霸史以紀偽朝國史趙書等二十七部三百

三十五卷五曰起居注以紀人君動止穆天子傳等

四十一部一千一百八十九卷六曰舊事以紀朝廷

政令漢武故事等二十部四百四卷七曰職官以紀

班序品秩漢官解詁等二十部三百三十六卷八曰

儀注以紀吉凶行事漢舊儀等五十九部二千二十九卷

九曰刑法以紀律令格式律令等三才五部七百一

編年

十二卷十曰雜傳以紀先賢人物三輔決錄等二百一十七部一千二百八十六卷十一曰地理以紀山

川郡國山海經等一百三十九部一千四百三十三

卷十二曰譜系以紀氏族繼序世本等四十一部三

百六十卷十三曰略錄以紀史策條目七略等三十

部二百一十四卷舊志史錄十三家八百四十四

部一萬七千九百四十六卷

唐南北史

見正史 晁氏志雜中

唐集史五家

唐集史五家

志凡集史五家六部一千二百二十二卷高峻以下

家四百梁武帝通史六百二卷李延壽南史八十卷

又北史一百卷二家三部七百八十高峻小史一百

二十卷劉氏洞史二十卷權姚康復統史三百卷

唐八十八家雜史

志史錄其類十三四曰雜史八十八家一百七部一

千八百二十八卷台文瑣語至三國典一著錄六十

八家八百六十一卷元失姓名八家舊志雜史一百

二部凡二千五百五十九卷

史氏流別

史通史氏流別其流十焉。一曰偏記。二曰小錄。三曰逸事。四曰瑣言。五曰郡書。六曰家史。七曰別傳。八曰雜記。九曰地理。十曰都邑簿。若陸賈楚漢春秋樂資山陽公載記王韶晉安紀姚梁後略此之謂偏記載。達竹林名士王粲書漢末英雄蕭世誠懷舊志盧子洪知己傳此之謂小錄。和嶠汲冢紀年葛洪西京雜記顧協瑣語卷謝綽拾遺此之謂逸事。劉義慶世說對裴榮期語林卷孔思尚語錄揚松玠談藪此所謂瑣言。陳留耆舊周斐汝南先賢陳壽益部耆舊虞預會稽典錄此之謂郡書。揚雄家諫商敬世傳孫氏譜二五七上玉海卷四十一

唐太宗勳史

志雜史吳兢太宗勳史一卷崇文目書目劉餗國史異纂三卷載齊梁以來雜事

唐六代略

志雜史李吉甫三十卷 **會要**吉甫嘗綴錄東漢魏

晉元魏周隋故事記其成敗損益大端目為六代略凡

三十卷 **舊史**元和八年二月辛卯宰相吉甫進

唐高氏小史

志一百二十卷高峻初六十卷其子洵釐益之峻元

和中人 峻以歷代諸史鈔其要子洵分其卷第 **書目**其書自天地未

分至唐文宗凡十三代分十例 司馬遷史至陳隋書附以唐實錄纂其要

唐統史

志姚康復三百卷 **會要**大中五年十一月太子詹

事姚康復 舊姚康撰統史三百卷上之獻帝王政統

三才卷四十一

史自開闢至隋末編年纂帝王美政善事詔令可列

於時者必載至於時政鹽鐵榷鹽和糴賑貸錢陌兵

數虛實儲糧用兵利害邊事戎狄無不備載下至釋

道皆叙之

唐統載

冊府元龜貞元十三年韓潭進統載三十卷其書採

虞夏以來至周隋錄其事跡善於始終者六百六十

八人為立傳

唐大和野史

志雜史公沙仲穆大和野史十卷起大和盡龍紀

雜史

會要前紀中有處士沙仲穆纂野史十卷

唐國史補

志李肇國史補三卷述開元至長慶事林恩補國史

十卷宗文目六卷書目補國史六卷載德

宗文

高若拙後史補三卷書目

唐逸史

志小說家高彥休關史三卷盧子史錄卷七又逸史

三卷時人中李隱大唐奇事記十卷雜史類杜信史

略三十卷宗文目雜史唐補紀三卷

唐三國典略

上海卷四十七

中興書目二十卷唐汾州司戶參軍丘悅撰自元魏

分而為東西西魏都關中後周因之東魏都鄴北齊

因之梁陳則皆都江左悅之書首標西魏元而叙字

文泰按崇文總目云以關中鄴都江左為三國起西

魏終後周而東包東魏北齊南總梁陳凡三十篇今

本二十一以下缺舊史丘悅撰三國典略三十卷

隋志魏魚豢撰典略八十九卷唐志魚豢魏略五

魏略

唐餘錄

唐載

寶元二年十一月戊子朔尚書刑部郎直集賢院王

新史

皞上六十卷詔獎論五代閩也故名康餘書目六

十卷王皞芟五代舊史旁採諸家小說做裴松之國

志附見于注梅堯臣奏所撰唐載二十六卷多補

正舊史缺謬

唐乘 五代史略

天聖五年十二月二十一日辛卯祕書監致仕胡旦

上唐乘七十卷五代史略四十三卷演聖通論七十

二卷將帥要略五十三卷詔以旦子彤為監簿景祐

元年七月壬辰又上續演聖論王禹偁進五代史

闕文一卷凡十七篇祥符中陶岳撰五代史補五

三十一

三海卷四十一

一一

卷

卷百餘條一本云岳五代補錄

唐志 五代紀

國史志雜史王泚唐志二十一卷孫冲五代紀七十

七卷史抄類賈昌朝通紀八十卷

五代開皇紀

天禧五年五月己丑太常博士鄭向暉公表進五代

開皇紀作書目三十卷起梁訖周約八十萬言表言唐

明宗祈天願早生聖人是五代閩紫實開皇朝也自

曰開皇 崇文目編年類五代亂亡史冊多漏失向

拾遺事頗有補焉

三十一

宋朝十史類要

十卷皇朝李安上自戰國迄五代據其雜事以門類分次

景祐兩漢類記

四年一月辛亥都官郎中任弁上所著兩漢類記

治平唐宋遺史

書目唐宋遺史四卷治平四年詹玠撰唐機要三十卷劉直方撰唐書冗者刪闕者補重編史雋三十卷蓋君平撰初唐鄭暉著史雋十卷君平惜其漏略廣為三十卷

三

王海卷四七

三

治平十國志

真宗時知制誥路振采五代僭偽吳楊行密唐李昇

前蜀王建後蜀孟知祥南漢劉隱北漢劉崇蜀王嗣

楚馬殷吳越錢鏐九國君臣行事撰九國志以擬崔

國春為世家列傳四十九卷振字子發其孫綸又增

高氏季興為十國志治平元年六月辛酉十一日綸上

之詔付史館九國志五十卷增荆南高氏實十國張

唐英補為北楚書二卷合五十一卷唐英蜀檮杌十

卷備云外史檮杌路振書未

撰乘輶錄一卷以獻

開寶中詔湯悅徐鉉撰江南錄十卷陳彭年列錄四卷太平興國五年八月甲戌以孟瑜為固始主簿瑜長沙人嘗著野史三十卷石熙載言於上而有是命錢儼吳越備史十五卷備史遺事五卷

紹興通志 二十略

紹興二十八年二月乙巳鄭樵召對授迪功郎其所著通志今有司給札寫進通志二百卷樵以歷代史冊及采他書上自三皇下迄隋代通為一書倣遷固體為本紀列傳而改表為譜改志為略鄭樵通志總序總天下之大學術條其綱目名之曰略凡二十畧

玉海卷四十七

一三一

初

生民之本在於姓氏男子稱氏以別貴賤女子稱姓以別婚姻臣今所推有三十二類故作氏族畧書契之本見於文字獨體為文合體為字文有子母主類為母從類為子故作六書畧字書眼學韻書耳學母主形子主聲故作七音略天文志有義無象今取冊元子步天歌句中有圖言下成象故作天文略準禹貢之書而理川源本開元十道圖以續今古故作地理略梁汴四朝舊都為痛定之戒南陽中原新宅為無疆之基故作都邑略削去曲說作謚略制器尚象作器服略樂府正聲以明風雅祀享正聲以明頌以

琴操明絲竹以遺聲準逸詩作樂略書籍散亡由編
次無紀作藝文略校讎之司未聞其法作校讎略圖
成經書成緯一經一緯錯綜成文古之學者左圖右
書即圖以求易即書而求難乃立為二記日記有記
無作圖譜略方冊者古人之言語款識者古人之面
貌作金石略削去五行作災祥略參載籍明品彙作
昆蟲草木略凡十五略出臣膏臆禮略以叙五禮職
官略以秩百官選舉略言掄材之方刑法略言用刑
之術食貨略言財貨之源流五略雖本前人之典亦
非諸史之文古者記事之史謂之志太史公更志為

三言九

玉海卷四十七

四

記今謂之志本其舊也元君山曰太史三代世表旁
行邪上並効周譜今復表為譜自春秋之前稱世謂
之世譜春秋之後稱年謂之年譜二十略不用舊史
之文紀傳即舊文損益唐書五代史皆本朝大臣所
修非微臣所敢議故紀傳訖隋若禮樂刑政務存因
革故引而至唐云

紹興鮑氏國策

十卷紹興中鮑彪編自劉向校定戰國策為三十三
卷彪升其第二卷為首又自更定訓釋見前戰國策

慶元續後漢書

慶元間吉州布衣蕭常起昭烈章武元年辛丑盡少

帝炎興元年癸未為四十二卷帝紀年表各二卷列傳

九卷吳魏君臣並為載記列于後外有音義四卷開

禧中李杞改修三國志六十七卷尊昭烈後主為漢

紀魏吳次之復有義例年譜各一卷

建隆編

陳傅良撫太祖政事起建隆迄開寶書其綱要又考累朝沿革得失疏于下凡以表見立國之初意以建隆命編蓋繫之始年也

三朝北盟集編

三十三
徐夢莘收羅野史及他文書多至二百餘家為編年

之體會粹成書傳聞異辭者又從而訂正之號三朝

北盟集編自政和七年海上之盟迄逆亮之斃上下

四十五載具列事實制勅詔誥國書奏疏記序碑誌

之文成二百五十卷又綱目一冊慶元二年下臨江

軍鈔錄以進十一月除直祕閣後又得未見之書再

編集補三帙

汪藻金人背盟錄七卷

汪藻金人背盟錄七卷

編年

穀梁傳曰春秋編年四時具而後為年上尊天時紀正人事司馬遷始為紀傳表志之體其後史官悉用其法晉荀悅為漢紀復編年之體後世作者皆正史並行

太古以來年紀

漢志春秋家二篇

禹本紀

史記大宛傳禹本紀言河出崑崙崑崙其高二千五百餘里日月所相避隱為光明也其上有醴泉瑤池

三百一十

今自張騫使大夏之後窮河源與賭本紀所謂崑崙者乎天行案古圖書名故言九州山川書近之矣

至禹本紀山海經所有怪物余不敢言之也班固作張騫傳

水經崑崙墟在西北去崑崙五萬里地之中也同贊

注禹本紀與此同

楚漢春秋

漢志春秋家九篇陸賈所記索隱曰記項氏與漢

隋志雜史九卷唐志太史公述楚漢春秋接其後事

禮樂志注師古引楚漢春秋高祖之臣別有絳灌

文選注引楚漢春秋

漢世經

律歷志世經首取郊子之論官名稽之於易包義神農黃帝相繼之世可知因祭典而得共工氏之事因考德而得少昊之事因春秋外傳而得顓頊帝譽之事因帝系而得堯舜禹湯之事以至因諸紀而得漢之事因漢志而推太歲之名論春秋戰國秦漢多及殷歷太昊首德始於木共工水德周人舉其行序炎帝火德黃帝土德少昊金德顓頊水德高辛木德堯火德舜土德禹金湯水武王木漢繼周木生火為火德與夫歲辰之所在統章之所至繼世之多寡載祀脩短莫不見焉

漢六年紀

志春秋家五篇

高祖文帝武帝紀臣瓚注引漢帝年紀蓋即此書

漢紀

荀悅傳建安三年帝好典籍以班固書文繁難省今祕書監悅依左氏傳體為漢紀三十篇詔尚書給筆札辭約事詳論辯多美序曰夫立典有五志焉一達道義二章法式三通古今四著功勳五表賢能漢四百有六載撥亂反正統武興文聖上惟文之恤命立國典於是綴序舊書以述漢紀中興以前明主賢臣

得失之軌足以觀矣又著崇德正論及諸論數十篇

唐志編年類荀悅漢紀三十卷書目應劭等注

崔浩音義三卷漢紀本凡七萬二千四百三十二字

荀悅史乎曰唐太宗賜李大亮曰悅此書叙致簡

要議論深博極為政之體盡君臣之義

紀其稱年本紀表志傳者史家本語也其稱論者悅

所論粗表其大事以參得失也

伯撰漢紀三十卷隋唐志同

宏以後漢書煩穢又謝承華嶠諸家錯繆同異無所

取正惟張璠紀言漢末事差詳故採而益之比諸家

四十一

號為精密袁宏後漢紀序曰按謝承司馬彪華嶠

謝沉書漢山陽公記樂資漢靈獻起居注

臣奏旁及諸郡耆舊先賢傳凡數百卷班固源流周

贍然因藉史遷無所甄明荀悅才智經綸足為嘉史

然名教之本帝王高義韞而未叙今因前代遺事略

舉義教所歸悅在班固之前唐志侯瑾漢皇德紀

三十卷張璠後漢紀三十卷張緬後漢略二十七卷

劉艾漢靈獻二帝紀六卷袁曄漢獻帝春秋十卷

正史藝文類聚引薛

瑩漢紀

編年

漢皇德紀

見傳類

帝王要略

見雜史

漢表

唐志雜史袁希之漢表十卷韓祐續古今人表十卷
開元十七年上授太常太祝

史記漢興以來將相名臣年表以大事為主所以觀
君臣之職分也如高帝元年大事記沛公為漢王之
南鄭還定雍而相位書蕭何守漢中御史大夫位書

二五

周苛守滎陽班氏所書止於公卿拜罷月日削去大
事不記司馬子長年表劉杳謂得法於周譜崔鴻
亦做其義例為十六國春秋

晉竹書紀年

古文官書

古文釋

東晉傳初太康二年汲郡人不準盜發魏襄王墓或
言安釐王冢得竹書數十車其紀年十三篇記夏以
來至周幽王仍述魏事至安釐王之二十年蓋魏國
之史書大畧與春秋多相應其中經傳大異則云夏
年多殷益干啓位太甲殺伊尹自周受命至穆王百
年共伯和攝行天子事甘易經二篇與周易上下經

同易繇陰陽卦二篇與周易略同。繇辭則異。卦下易經一篇似說卦而異。公孫段二篇段與邵陟論易國語三篇言楚晉事。名三筮似禮記。又似爾雅論語師春一篇書左傳諸卜筮師春似是造書者姓名。瑣語十一篇諸國卜夢妖怪相書也。梁丘藏一篇先叙魏之世數。次言丘藏金玉事。繳書二篇論弋射法。生封一篇帝王所封。大曆二篇鄒子談天類也。穆天子傳五篇言周穆王游行四海見帝臺西王母圖詩一篇。畫贊之屬也。又雜書十九篇。周食田法。周書論楚事。周穆王美人盛姬事。大心七十五篇。七篇簡書折壞

四

不識名題。冢中又得銅劍一枚。長二尺五寸。漆書皆科斗字。文既殘缺。不復註次。武帝以其書付秘書校綴次第。尋考指歸。以今文寫之。楮在著作。得觀竹書。隨疑分釋。皆有義證。晉紀咸寧五年冬十月汲郡人不準得竹簡小篆古書十餘萬言藏秘府

衛恒傳

太康元年汲縣人得策書十餘萬言。案敬侯所書。猶有髣髴古書。亦有數種。共一卷。論楚事者最爲工妙。王接傳時秘書丞衛恒考正汲冢書未訖佐著作郎東皙述而成之事多證異義時東萊太守王庭堅難之亦有義據皙又釋難接遂詳其得失續咸著汲

家古文釋十卷

荀勗傳汲冢中得古文竹書詔

勗次之以為中經列在秘書

荀勗穆天子傳云勗校書中與勗同校定

并竹書同異一卷

古史三卷始下紀六年又雜史有古

文瓊語四卷汲冢晉太康元年汲冢人發魏襄王家

和嶠撰次為十五部八十七卷

唐志紀年十四卷

杜預左傳後序太康元年三月云云汲冢得

古書科斗書久廢不能盡通所記大凡七十五卷多

雜碎怪妄不可訓知周易及紀年最為分下周易上

於紀年起自夏殷周皆三代王事無諸國別唯特記

晉國起自彌叔次文侯昭侯至曲沃莊伯莊伯十一月

魯隱元年皆用夏正建寅之月為歲首編年相次晉

國滅獨記魏事下至魏哀王之二十年謂之今上蓋

魏國之史記也文意大似春秋經足見古者國史策

書之常也所記多與左傳符同又稱殷仲壬即位居

亳亦當時雜記

王隱晉書束皙傳太康元年汲冢

得竹書漆字科斗之文周時古文也大凡七十五卷晉書

有其目錄其六十八卷皆有名題其七卷折簡碎雜

編年

不可名題有周易上下經二卷紀年十二卷瑣語十
一卷周王遊行五卷說穆王遊行天下之事今謂之
穆天子傳此四部差為整頓詔荀勗和嶠以隸字寫
之史通凡此數事語異正經此書近出世人多不
信也竹書紀年序大乖唐劉勰以竹書紀年序諸侯
列會皆舉謚後人追脩非當時正史如齊人殲于遂
鄭棄其師皆孔子新意師春一篇錄卜筮事與左氏
合知按春秋經傳而為也因著外傳云中興書目
及冢師春一卷案杜預云純集疏左氏傳卜筮事公
雜叙諸國世系及律呂謚法末載變卦雜事嘉祐中

蘇洵編定六家謚法其表謂采汲冢師春者即此書
所載謚法云顏之推云汲冢瑣語乃載秦望碑非
本文也書正義汲冢古文云盤庚自奄遷于般紀

年云般仲壬即位居亳左傳攜王正義引汲冢書
紀年云云束皙云案左傳云云水經注多引竹書

紀年前漢地理注臣瓚引汲郡古文梁惠王以賜

年九夷來御吳都賦注引汲郡地中古丈冊書

史記正義引竹書紀年韓愈黃陵廟碑引竹書紀年
齊文惠太子鎮雍州有盜發楚王家獲以簡書青絲

綸簡廣數分長二尺王僧虔曰是科斗書考工記

晉帝王世紀

皇甫謐傳謐以著述為務自號玄晏先生撰帝王世

紀年歷高士逸士烈女等傳玄晏春秋並重於世

書目晉正始初安定皇甫謐撰以漢紀殘缺始博采

經傳旁觀百家著帝王世紀并年歷合十二篇起太

昊帝迄漢獻帝隋志皇甫謐十卷起三皇盡漢魏

何茂林續帝王世紀十卷虞綽音四卷陽暉華夷帝

王世紀三十卷甄鸞帝王世紀一卷姚恭年曆帝紀

三十卷唐志雜史皇甫謐帝王世紀一卷中興書目九卷

一開國中又年曆六卷何茂林帝王代紀一六卷歷紀

十卷姚恭年曆帝紀二十六卷代譜四十八卷周武

撰諸葛耽帝錄十卷盧元福帝王編年錄五十一卷

共和以來甲乙紀年二卷並雜史春秋緯開闢至

獲麟凡三百二十七萬六千歲分為十紀大率一紀

二十七萬六千年一云凡世七萬六百年小司馬氏補三皇

本紀引帝王世紀及徐整三五曆唐志三五曆鄭康

成六藝論遂皇之後歷六紀九十一代至伏羲始作十二言之

漢晉春秋

桓溫觀觀北史著漢晉春秋以裁

正之起漢光武終於晉愍帝於三國之時蜀以宗室
為正魏武雖受漢禪晉尚為篡逆至文帝平蜀乃為
漢亡而晉始興焉凡五十四卷唐志卷同又上疏謂晉宜
越魏繼漢不應以魏後為三恪謹著論曰若以魏有
代王之德則其道不足有靜亂之功則孫劉鼎立道
不足則不可謂制當年當年不制於魏則魏未曾為
天下之主王道不足於曹則曹未始為一日之王自
漢末鼎沸五六十一年吳魏犯順而彊蜀人杖正而弱
三家不能相一萬姓曠而無主夫有定天下之大功
為天下之所推孰如見推於閭人受尊於微弱配天
而為帝方駕於三代故舊之恩可封魏後三恪之數
不宜見列以晉承漢功實顯然又何為虛尊不正之
魏而虧我於大通哉隋志習鑿齒漢晉陽秋四十
七卷孔舒元衍漢魏春秋九卷
漢書注計書先上太史公副上丞相記事如古春秋
叙傳序春秋考紀表志傳凡百篇王命論垂策
書於春秋師古曰史書記事之總稱光武紀注范
畢序例云帝紀略依春秋

唐四十一家編年

志史錄編年類四十一家四十八部九百四十七卷失姓名四

家始於汲冢書紀年終於張大素隋後略漢有荀悅
侯瑾張璠袁宏張緬劉艾表擘樂資翬鑿齒之書而
應劭崔浩漢紀音注附焉魏吳晉有孫盛魏澹梁沈
環濟陸機干寶劉謙之曹嘉之徐廣鄧粲檀道鸞蕭
景暢郭季產杜延業之書而劉恊注晉紀附焉宋齊
梁北齊隋有王智深裴子野鮑衡卿王琰沈約吳均
謝吳劉瑞何之元蕭韶姚最王劭趙毅張大素之書
而臧嚴栖鳳春秋附焉失姓名者汲冢紀年魏武本
紀皇帝紀梁末代記四家不著錄者柳芳唐曆以下
及韋澳吳兢韋述陸長源陳嶽焦璐李仁實馬摠王
昶黃台符賈欽文曹圭張素劉軻封演七年美柳璨之
書終於李正文漢至唐年紀凡十九家三百五十五
卷隋志謂之古史自紀年至齊志三十四部六百
六十六卷 景德二年龍圖閣書目編年一千一十
三卷 崇文總目三十八部五百七十九卷 中興
目六十二家一千三百二十卷 續目十一家四百
十七卷

皇前混編年紀傳論合聖人之經者以心不以跡得
良史之體者在適不在同

唐編紀 周書

李至遠傳

之善立

少秀悟能治尚書左氏春秋未見杜

預釋例而作編紀

北作

大趣略同復撰周書起后稷

至赧王為傳紀令狐德棻許其良史

高宗時

唐編年傳

蕭穎士傳嘗謂仲尼作春秋為百王不易法而司馬

遷作本紀書表世家列傳叙事依違失褒貶體不足

以訓乃起漢元年訖隋義寧編年依春秋義類為傳

百篇在魏書高貴鄉薨曰司馬昭弒帝于南闕在梁

書陳受禪曰陳霸先反又自以梁支孫而宣帝逆取

順守故武帝得血食三紀昔曲沃篡晉而文公為伯

仲尼弗貶也乃黜陳閔隋以唐土德承梁火德皆自

斷諸儒不與論也有太原王諸者僧辨裔孫撰永寧

公輔梁書十卷黜陳不帝穎士佐之亦著梁蕭史譜

二十卷乃作梁不禪陳論以發義例使光明云

華三賢論曰穎士尤罪子長不編年而為列傳後世

因之非典訓也自春秋三家後非訓齊生人不錄

唐續春秋

詳見續春秋

裴光庭傳開元中光庭拜侍中兼弘文館學士又引

壽安丞李融拾遺張琪著佐司馬利賓直弘文館撰

續春秋經傳

約周公舊規依仲尼新例

自戰國訖隋上自周敬請

天子修經光庭作傳書久不就。冊府元龜開元二十年三月丁卯奏。

唐曆 續唐曆

柳芳傳肅宗詔芳與韋述綴吳兢所次國史上元中坐事徙黔中時高力士亦貶巫州因從力士質開元天寶及禁中事具識本末時國史已送官不可追刊乃推行義類敝編年法為唐曆四十篇頗有異聞然不立褒貶義例為諸儒譏山李德裕奏芳子昇以力上一十七事為次柳氏舊聞一卷次。蔣偕傳初柳芳作唐曆大曆以後闕而不錄宣宗詔崔龜從韋澳李荀成彥達及偕

等分年撰次盡元和以續云。心柳芳唐曆四十卷

續唐曆二十二卷韋澳蔣偕李荀張彥達崔瑄撰崔

龜從監脩。會要天中五年七月宰臣監修崔龜從

等撰續唐曆二十卷舊紀二中興書目柳芳撰唐

曆起隋義寧元年盡大曆十三年八月崇文目唐曆

一卷叙制度昇氏志云初芳次國史興高祖訖乾元凡百

三十篇叙天寶後事弃取不倫後轉後崔鉉續修之

未就宣宗大中間命崔龜從起大曆十三年春盡元

和十五年凡二十二卷。

唐日曆

會要永貞元年九月壬申初志監修章執詔奏皇王

大典實存簡冊自須史官修撰皆於私家紀錄望令

修撰官各撰日曆凡至月終即於館中都會詳定是

非除已成實錄撰進宣下者其餘見修日曆並不得

私家置本從之蔣父傳父將明肅宗擢集賢殿學

士又貞元中修撰子係大中二年史館修撰伸偕亦

修撰傳曰蔣氏三世踵脩國史稱良筆咸云蔣氏曰

曆天下多藏焉此日曆所從起也中興書目有天

祐日曆一卷歐陽脩云書雖不全然唐之遺文也

朱子曰歷數者帝王相繼之以示未猶日所昏明氣節之

先後北

後漢公卿有所撰述始集公府乃上蘭臺唐制專命

大臣纂錄時政季送史館蓋獻替之語非四近莫得

而聞傳信之辭非史官莫得而預事大體重實相關焉

唐通曆

志馬樞十卷編年類本傳著年曆通曆書目唐馬樞撰朝

州即守泉起天皇氏樞以史籍繁蕪故上索三墳中稽

五典迄于隋季為十卷今存又云貫寶曆於聖唐見

序自十一卷起唐高祖者即孫光憲所續也光憲皇

朝人作續通曆十卷起唐高祖止閩王審知今附於

通曆後者唯五卷爾通曆一書大抵簡略首紀三皇
尤詭誕不經與司馬貞補史記所言無異隨事間有
論著謂文帝庶幾於王道而景帝之擬成康則有慙
德謂宣帝刑名圖霸之王也而世以比光武非其倫
也斯言當矣卷載德宗以前故事 **晁氏志**馬摠通

曆十卷纂太古十七氏中古五帝三王及刪取秦漢
三國晉十六國宋齊梁陳元魏北齊後周隋世紀興
滅粗述其君賢否取虞世南略論分系於末以見義
焉孫光憲續十卷輯唐洎五代事以續馬摠曆參以
黃巢李茂貞劉守光阿保機吳唐閩吳越兩蜀事迹

太祖朝詔毀其書以其所紀多非實也 **志**李仁實

通曆七卷編年徐整通歷二卷三五曆紀二卷通曆

二卷雜曆五卷孔衍國志曆五卷長曆十四卷雜史

賈欽文古今年代曆一卷大編年特人劉軻帝王曆數

詞一卷元和末司馬光通歷八十卷

唐天祚長曆

柳璞傳仲鄧子終著春秋三氏異同義又述天祚長

曆斷自漢武帝紀元為編年以大政大祥異侵叛戰

伐隨著之閏位者附見其左嘗謂杜征南春秋後序

述紀甲曆為得實自餘史家皆差蔣係以為然 **志**

柳璞正閏位曆三卷又黃台符古今通要四卷宣懿時人

唐統紀

志陳嶽唐統紀一百卷崇文目同中興書目檢校尚書

屯田員外郎陳嶽撰以荀悅袁宏有漢紀遂為大唐統紀起武德盡長慶末凡十三朝成一百卷用春秋例間著論云

唐大統紀

文粹陳鴻修大統紀三十卷正統年代隨甲子紀年以世本尚書春秋緯書及諸史為據絕筆於元祐六年辛卯上推至炎帝元年癸未凡三千六百九年

唐三國春秋

志雜史崔良佐卷亡負半千二十卷

建隆龍飛日曆

一卷趙普記顯德七年正月藝祖受禪事是年改元建隆三月普撰此書普時為樞密學士

開寶日曆又見時政記

開寶七年閏十月庚申判史館扈蒙言唐文宗開延英大臣論事命舍人執筆螭頭以記時政唐明宗命端明樞密二學士脩日曆顯德元年十月制近此事皆廢宜命宰輔每日紀錄詔參政多遜典其事雍熙四

年九月直史館胡旦言建隆至今日曆不備詔於史館西廡脩之淳化四年翰林學士修國史宋湜脩日曆尋罷乾興元年五月丁丑詔先朝日曆起居注未上者亟修纂乙酉史館請權於宣徽院脩日曆十一月脩撰李維宋綬言先朝日曆自祥符元年已後未纂輯甲戌遂命館閣儒臣王舉正李淑爲史館編脩慶曆中張方平兼脩撰自乾興至慶曆日曆以屬之察然復全歐陽脩言錄本進呈事有諱避史官雖欲書而不敢書請更不進本書目有周顯德日曆一卷六年夏扈蒙秋董淳父賈若中

法注北口一

二

舊制以宰相監脩國史脩撰直館檢討無常負輯時政記起居注撰日曆繫以置編脩院于門下省元豐四年摠于史館官制正名屬祕省國史案六年三月己卯詔長貳毋得與著作脩纂日曆事七年十一月己亥詔記注及諸司文書皆送著作八年命曾肇林希兼著作元祐五年十一月置局名曰國史院隸門下省紹聖二年詔日曆還祕省紹興元年四月置修日曆所七月命秘書長貳通脩纂日曆初元豐六年歲不與今詔三年六月左相呂頤浩兼提舉修國史少監時修日曆張綱言祕省權輕難以取會又孫近言景

編注

德二年王旦為相領史職請宰輔提舉故有是命八月又詔郎位以郎官兼領十年二月併歸國史案以著作郎佐脩纂遇修正史實錄即置國史實錄院見脩日曆宰相提舉以監修國史繫銜乾道二年十二月脩成欽宗日曆七十五卷詔免進呈

開寶歷代紀要

崇文目雜家開寶五年四月癸卯參知政事劉熙古進五十卷詔褒之本傳嘗集古今事跡為歷代紀要五十卷賈昌朝通紀八十卷當攷

景德甲子編年曆

中興書目二卷寶曆直史館劉蒙叟撰採其父熙古所著皇王紀要及古今帝王年代曆則為五運甲子編年曆三卷自唐堯起庚子至太祖建隆元年庚申配仁二年三首尾無誤以自唐堯以上至黃帝逐代皆有子孫其所書元年甲子及在位年數不可攷故也景德中上之蒙叟字道民宋州人

天聖漢春秋 嘉祐唐史記 唐紀

天聖元年九月十六日中書門下言胡旦先撰漢春秋一百卷久未進入詔令本州遞進嘉祐五年臣言

事跡得曾史出例著為春秋凡百篇二年二月癸亥

州以旦書上進上稱歎之以祕書監致仕命一子為

京官初旦上所撰漢春秋一百卷上因問旦著書本

末宰臣王欽若曰旦太宗朝進士第一人詞學精博

嘗謂三代之後唯漢得正統因四百年行事立褒貶

著此書以擬春秋上稱歎故有是命年云三實錄

祥符三年十二月丙寅襄州言通判司封外郎胡旦

撰漢春秋百卷詔給札錄進初旦斷大硯方五尺

秋硯云天章閣侍講孫甫據實錄與書兼採諸家

著錄參驗不差足傳信者修為唐史記舊史文繁者

刪之失者改之意不足而有他誼者補之事之不要

者去之要而遺者增之是非不明者正之用編年之

體以序君臣之事其體略與實錄相類自康定元年

修是書至皇祐四年草具遂作序述其意逮嘉祐元

年成七十五卷論九十二首文彥博從甫借之不與

但錄姚崇宋璟論以與之陳彭年以班固謝承為

漢書而荀悅袁宏為紀虞預王隱為晉書而干寶為

紀唐文物憲章可述獨缺編年之史乃次新書定為

唐紀四十篇三十萬言書目四十卷起高祖訖哀帝

劉直方修大唐機要三十卷刪冗補遺

景祐五朝春秋 五代紀

三年七月丁亥工部郎中王軫直祕閣軫上五朝春秋二十五卷吳詵始於特擢之庚寅集賢院學士孫冲上五代紀七十七卷詔獎諭

慶曆紀年通譜 見改元

六年七月九日丁亥參政宋庠上所撰紀年通譜庠取十七代正史并百家雜說凡正偽年號成一書詔送史館 **中興書目**十二卷 紀年通譜自漢文帝後元戊寅止周恭帝顯德庚申為九篇以本朝建隆之元至慶曆辛巳為一篇皆曰統元以甲子貫之有五號曰正閏偽賊蠻夷以王莽十九年繫孺子更始

上海卷四二六

三二〇

以接建武東魏十七年附西魏豫王六年天后十五年繫中宗緒神龍朱梁十六年通濟陰天祐續同光据晉恭帝禪宋之歲對魏明元泰常五年尊北降南始主正朔乃通譜之新意也別二篇舉字為類各部分為類元 **畢仲荀續一卷**起慶曆壬午迄徽宗

易緯稽覽圖甲寅伏羲氏至無懷氏五萬七千八百八十二年神農五百四十年黃帝一千五百二十年少昊四百年顓頊五百年帝嚳三百五十年堯一百年舜五十年禹四百三十一年殷四百九十六年周八百六十七年秦五十年已上六萬三千六百一十

年

二年庚戌年四百九十一年筭上右總六萬四千一百三年相基加二年

皇極經世三四二卷列世數與歲甲子下紀帝堯至于五代歷年表以見天下離合治亂之迹以天時而驗人事五六二卷列世數與歲甲子下紀自帝堯至五代書傳所載興廢治亂得失邪正之迹以人事而驗天時三皇春也五帝夏也三王秋也五伯冬也七國冬之餘列也漢王而不足晉伯而有餘三國伯之雄者也十六國伯之叢者也南五代伯之借乘也北五朝伯之傳舍也隋晉之子也唐漢之弟也隋季諸

三五八占

上海卷之十一

郡之伯江漢之餘波也唐季諸鎮之伯日月之餘光也後五代之伯日未出之星也甲辰堯肇位於平陽堯舜其猶夏之將至日平之向中平之

治平資治通鑑

編年通志

目錄

考異

外紀

舉要

紀事本末

綱目見後

治平三年四月辛丑命龍圖直學士侍讀司馬光編集歷代君臣事迹初光患歷代史繁重學者不能綜况於人主欲上自戰國下迄五季正史之外旁采他書關國家興衰係生民休戚善可為法惡可為戒者依左氏傳體為編年一書名曰通志

因春秋編年之體做荀悅簡要

編年

之遂約戰國至秦二世為八卷以進英宗悅之命續

其書置局秘閣以劉恕越君錫同修後以劉放代君

同修三館表云於崇文院置局許借龍圖天章閣書籍賜以御府筆墨繒帛四年十月

已酉初御邇英甲寅九初進讀賜名資治通鑑神宗

親製序面賜光今候書成寫入又賜額序曰光之志

以為威烈王命韓趙魏為諸侯周雖未滅王制盡矣

此亦古人述作造端立意之所繇也其所載明君良

臣切摩治道議論之精語德刑之善制天人相與之

際休咎庶證之原威福盛衰之本規模利害之効良

將之方略循吏之條教斷以邪正要於治忽辭令淵

厚之體箴諫深切之義良謂備焉凡十六代博而得

其要簡而周於事是亦典刑之總會冊牘之淵林矣

表云魏以脛序錫之嘉名每開經筵常令進讀

豐元年十一月一日又進讀於邇英元豐七年十二月

戊辰成云十一書成二百九十四卷上起戰國下終

五代凡一千三百六十二年又略舉事目年經國緯

為目錄三十卷參考羣書評其同異俾歸一塗為考

異三十卷合三百五十四卷自治平開局迄今始成

凡十九年表云西京留司御史臺及提舉崇詔書獎

諭賜銀帛衣帶鞍馬每編始末識上諭輔臣曰前代

未嘗有此書過荀悅漢紀遠矣以光為資政殿學士
輔臣請觀之遂命付三省光編集通鑑既成撮精

要之語為目錄三十卷晚病日錄太簡更著舉要曆
八十卷而未成紹興初資政學士臣克光又著歷年

圖七卷通歷八十卷稽古錄二卷劉恕作外紀十
卷恕謂光為歷代書而不及周威烈王之前以包義

至未命三晉為諸笑可為前紀本朝一祖四宗一百
八年可為後紀及恕病廢絕意於後紀乃更前紀為

外紀猶春秋外傳之義又有目錄三卷起包義訖周
威烈王二十二年起共和止威烈王二十二年

丁丑為一編通鑑問疑一卷劉恕子義仲記恕
議論及問答之語通鑑釋文三十卷史炤紹興三

十一年上前例一卷乾道間光曾孫伋分類三十
六例為前例又為四圖紀事本末四十二卷表樞

編淳熙三年十一月二十四日參政龔茂良言表樞
編通鑑紀事有補治道或取以賜東宮增益見聞詔

嚴州摹印十部仍先以御本上之淳熙元年三月戊子揚萬里為序

始於三家分晉終陳再良續通鑑節要十卷張
棫通鑑論薦

司馬康曰資治通鑑之成書蓋得人焉史記前後漢

則劉貢父放自三國歷七朝而隋則劉道原恕唐訖五代則范純甫祖此三公者天下之豪英也我公以純誠粹識不懈晝夜乃成就之其在正史外而有以博約之楚漢事則司馬彪荀悅袁宏南北朝則崔鴻十六國春秋蕭方等三十國春秋李延壽書雖無表志而可觀太清記亦時有足拱者建康實錄猶檜而下無譏焉唐以來稗官野史暨夫百家譜錄正集別集墓誌碑碣行狀別傳幸多存而不敢少忽也要是柳芳唐歷為最可喜

歷年圖

司馬光讀史患其文繁事庶不能得其綱要又諸國分列歲時先後參差不齊乃采共和以來訖五代略記國家興衰大迹集為五圖每圖為五重每重為六十行每行記一年之事其年取一國為主而以朱書他國元年綴於其下凡一千八百年曰歷年圖 劉放編年紀事十一卷

治平補日曆

四年六月癸酉監修韓琦乞差實錄檢討陳繹同補未修日曆從之

熙寧百官公卿表

紹興續百官公卿表

見官制 紹興二十九年七月十七日戊戌史院言
知成都雙流縣李燾有續皇朝百官公卿表一百十
二卷內九十卷係私目編纂乞給札抄錄從之 蔡幼學亦為
續公卿百官表年曆大事記備志辨疑編年政要列
傳舉要等百餘篇表凡二十卷質疑十卷自治平訖
紹熙五年

熙寧編年通載

書目十卷熙寧間起居舍人兼判史館章衡撰其序
云修史者十一人事訛舛因編歷代帝系名年始自
唐虞至于治平四年總三千四百年大率編年之例
三六四 玉海卷四一二

首國號廟謚以表元繫日月以記事以便觀採 七年
八月十一日延和殿進呈賜三品服

晁氏志編歷

代年號貫以甲子凡繫於存亡綱紀之大者無不詳
錄且刊正謬誤如史記載舜年虞書不同漢紀載魏
受禪與魏志受禪壇碑各異之類

皇朝十國紀年 疑年譜

書目 秘書丞劉恕撰記五代僭偽吳唐前後蜀吳越
閩漢楚荆南北漢十國君臣事迹本四十二卷今存
止四十卷恕又有疑年譜一卷恕謂先儒叙包羲女
媧下逮三代享國之歲惟大庭至無懷氏無年而有

總數及後世計堯舜之年衆說不同三統歷次夏商
西周與汲冢紀年及商歷差異故載周厲王以前三
千五百一十九年為譜 **晁氏志**十國紀年四十二
卷長於考異同而拙於屬文

高宗日曆 建炎中興日曆 紹興修日

曆

紹興元年四月甲戌日詔修日曆用程俱請也以日曆所
詔七月九日詔長貳通修纂二年二月丙戌初置著
作官二員編次日曆自渡江無史官至是沈與求以
為請三年九月戊寅正字陳祖言請修建炎以來日

玉海卷四十二

曆從之六月庚戌左相顧浩提舉修國史時未有日
曆始命大臣典領 三年十月甲辰詔汪伯彥董耘
梁揚祖耿延禧高世則編類元帥府事蹟以付史館
用著作虞漫請也其後悉以書聞六年四月戊戌朔
史館修纂皇帝大元帥府事蹟十卷上之九年六月
汪伯彥上建炎中興日曆五卷最備 三十二年二
月丙戌著佐張震言自建炎元年至紹興十二年日
曆已成者五百九十卷多所舛誤而十二年以後迄
今所修未成書者至八百三十餘草卷未得立傳者
七百七人望令長貳同修纂內因故相所作時政記

者並審訂修改從之。乾道二年汪大猷言太上日曆重修未備者十七年陛下龍飛七載而日曆所修未及一年望稍增史官編修。淳熙三年秘書監李燾編次成一千卷三月三日戊申進呈辛亥恭進並如進聖政之制。淳祐八年祕省校讎繕寫上之。紹興二年十一月壬午知湖州汪藻言太上淵聖及建炎改元至今三十餘年並無日曆本朝宰相皆兼史館故書榻前議論之辭則有時政記柱下見聞之實則有起居注類而次之謂之日曆修而成之謂之實錄望許臣編集元符庚辰至建炎己酉三十年間

玉海卷四十七

詔旨以備修日曆官采擇許之凡六年乃成。一本云太上皇元符以來至上建炎之元並無日曆上曰無以易藻尋知湖州領日曆如故復命辟官屬二員書成凡八冊上之賜茶藥進官二等徽錄成用藻所著為多

紹興歷代帝王年運銓要

書目十卷紹興初朱繪纂以歐陽脩作正統圖黃帝

五十六氏一切采錄乃起自伏羲政和間吳逵撰

帝王系譜一卷自兩漢迄顯德一千一百六十五載

胡宏作皇王大紀八十卷

紹興孔子編年

書目胡仔撰紹興初起魯襄公二十三年訖哀公十

六年自孔子始生至卒凡七十三年五卷

孝宗日曆

紹興三十二年七月詔日曆所自三十二年六月十一日起修日曆既而淳熙五年閏六月有詔修纂至淳熙四年六月十八日之上成書一千一百五十五卷十六年二月己丑詔編類壽皇日曆成書朕當遵行之仰稱付託之意自淳熙五年正月續修止
淳熙十六年二月一日 紹熙元年八月戊戌日十六
進日曆二千卷己亥恭進 淳祐十一年祕省校讎補寫上之

十一卷卷四十七

哀鸞臺時政之編合螭陸史臣之法 作春秋而因史記為唐曆而倣編年 萃四七載之懿錄為二千卷之成書

乾道資治通鑑綱目

紹興八年胡安國因司馬光遺藁修成舉要補遺文約而事備乾道壬辰朱熹因兩公之書別為義例為綱目五十九卷 序例一卷 網倣春秋而參取群史之長目倣左氏而稽合諸儒之粹 網者春秋著事之法目者左氏備言之體 序例曰表歲以首年 逐年之上行外書以別之 雖無事依舉要以備歲年 而因年以著統 非正統者兩行分注 大

編年

書以提要凡大書有正例而分注以備言追原其始

法例知不在此例而皆特書之而分注以備言凡分注者如

因者有終而見者有因拜罷而見者有因事類而見者

氏所因家之說所見者有溫公所立之言所遺與夫近世大儒

願先姓以附於其間亦歲周於上而天道明統正於下

而人道定大綱槩舉而鑒戒昭衆目畢張而幾微著

乾道續資治通鑑長編

舉要

乾道四年四月丙辰禮部郎中李燾言臣於去年八月

會要日奉旨從汪應辰奏取臣所著續資治通鑑自

建隆迄元符令有司繕寫校勘藏之祕閣臣尋於十

玉海卷四十七

四月賜對面奉旨令早投進又令給札臣先次寫到

建隆元年至治平四年閏三月立朝事迹共一百八

年計一百八卷內建隆元年元至太平興國元年太祖

一朝事迹雖曾於隆興元年具表投進後亦稍有增

益謹重錄進治平以後文字更加整齊節次修寫臣

此書非可便謂續資治通鑑姑謂續資治通鑑長編

庶幾可也其篇帙或相倍蓰則長編之體當然寧失

於繁猶光志云爾今寫成一百七十五冊并目錄一

冊上進五月壬戌朔詔燾纂述有勞特轉兩官六年

三月二日詔降下長編付秘書省令依通鑑字樣大小

繕寫仍將李燾銜位於卷首日依司馬光銜位修寫淳

熙十年三月六日燾為遂志守始上其全書會要云

十七冊自建隆至靖康凡九百八十卷書日十一

八卷建隆舉要六十八卷上甚重之以其書藏秘府

先是淳熙二年二月二十一日進神哲三冊燾以司

馬光作資治通鑑唐三百一長編范祖禹掌之祖禹

所修六百餘卷光細刪之止八十卷故燾纂集用光

義例廣記備言以待後之作者燾又撰左方鎮年

表十六卷自晉永嘉訖陳貞明以孫氏不能保淮李

氏不能踰浙又亡荆及巴蜀故削而不著揚仲良

四日丹 玉海卷四十一

為長編紀事本末一百五十卷 熊克中興紀事本

末一名中興小曆

乾道丁未錄 淳熙國紀

乾道七年同修國史趙雄言右修職郎李丙嘗纂丁

未錄起治平之末迄靖康之初其間議論更革往往

編年該載乞給札繕寫八年六月戊戌二日云詔李丙

所錄一百冊二百卷淹貫該博用功甚多特轉右承

事郎丙又撰丙申錄吏部侍郎徐度著國紀百餘

卷淳熙三年五月九日李燾請給札下湖州抄錄赴

國史院參照從之

淳熙大事記 通釋解題

淳熙七年呂祖謙作大事記起周敬王三十九年迄漢武征和三年采左傳稽古錄通鑑目錄舉要曆皇極經世歷代史輯而廣之參稽百氏書法視太史公所錄不盡用策書凡例 只中皇朝大事記

淳熙九朝通略

十一年十二月四日知台州熊克上九朝通略一百六十八卷 一百冊 詔遷一宮 倣通鑑 能作繫年之書一載釐為一卷 簡要不如徐庠之紀詳備不

如李壽之紀

上海卷四十七

嘉泰光宗日曆 嘉定日曆

紹熙五年閏十月十六日著作郎王夔 寺修太上皇帝及今上日曆慶元六年二月二十二日太上日曆三百卷嘉泰二年十一月十四日秘書監曾昭請再修潤以光宗日曆為本十六日上今上日曆五百十卷嘉定二年三月十三日右正言黃中請判定初元日曆所載龍飛事迹十四年五月九日上改正今上日曆五百十卷淳祐二年上寧宗日曆修日曆式少監程俱定紹興三十二年少監陳之淵著佐張震復上建炎以後日曆格乾道中著佐鄭伯

熊以新舊格參立。進則奉延英之對退而裁東觀之書。事則親問理斯傳信。

嘉定建炎以來繫年要錄



李心傳撰一百卷嘉定五年五月付國史院

國朝編年政要

蔡幼學四十卷起建隆止注康紀政事六略注禮皆

編年法惟每歲先列宰執拜罷為異又國

傳舉要十二卷起國初止中示

陳均皇朝年備要三十卷

小文 事實錄 一 教 七 記

法明宰輔編年錄

玉海卷第七十七



